

知非堂稿卷之四

臨川撫樂何 中太虛著

七言古詩

與甘東溪

風吹嶽倒黃河傾漢家老死飛將軍洛陽宮門
銅駝哭哭聲過盡南征雲忽忽五馬歸何處吳
山楚水相吞吐英雄豪傑笑殺人新亭揮淚中
流語佳人別去吳王臺空餘舊曲令人哀往時
射策談江北夷甫諸人安在哉春風吹老千桃



李短笛淒絃風雨裏荷衣蕙帶謾逍遙杜若洲
邊鴈聲起君不學少年快馬曹景宗步逐狡兔
彎君強弓不能少游歎段居鄉曲得稱善人便自足
飄飄清袂何悲辛強把哀吟感鬼神高堂夢斷
行雲杳雙蛾翠黛為誰春垂楊雪落江南暮江
花江草蛛絲露人生何處無知心背人鷓鴣雙
飛去為君起舞聽我歌古來賢聖良蹉跎區區
離合若為動羅敷陌上感慨多山中仙人最高
潔不比常人夙葷血願君舉似徑畝詩古今何

曾異明月

徑畝有山中仙人
歌東溪常之故及

漢宮春

君不見漢宮六六多佳麗露花半染雲裾翠少
翁招得斷腸魂孤鸞夜啼月波墜趙家姊妹專
風流雙蛾不識人生愁夫容並蒂款一朵西飛
青鳥徒離憂飛龍翩翩上天去雲幕椒房土花
雨墮膩埋烟恨未消香魂尚寄寒莖舞人間矣
日焦衆芳肯隨葵藿來傾陽柔情幽怨透地脉
烟幃窈窕疆成粒誰吹舊曲緣雲切寸心婉婉

應愁絕綠羅幾疊御賜衣紅綃半帶點守宮血淒
兮媚臉栖餘妍遙憶羊車望幸年至今一片巫
山雨化為飛泪空潛然故家陵苑孤雲外綠樹
如雲草如海殷勤惟有虞美人同向墻陰弄晴
靄

春怨

洛人傾國賞牡丹東家繡轂西家園黃鸝紫燕
新得意柔雲如酥花迷魂遊人寂寂歸何處花
亦年年占風雨江南却遇李龜年蘇州空感楊
開府誰吹玉笛斷人腸斜橋淺淺流水香惟有
千年老銅狄看盡人間幾夕陽

天女手剪五色雲鞭雷控電行青春散作江南
萬錦綉燭龍眩轉空無塵燕兒眼寒心更苦吳
娃情酣夢無據依然錦繡化為雲却恨風來挾
雲去十二樓邊芳草多如今鸚鵡聽誰歌千金
買取新豐酒地久天長奈若何

讀羅時翁燕山行稿

去年送君萬里行英雄氣富乾坤貧今年君歸

未會面燕山行卷驚倒人我從江南想江北八
陵草暗孤雲白夜窗燈火讀君詩一段奇愁貫
地脉燕山山水負雄奇千五百年君有期荆卿
等輩了不見咄咄怪事令人悲黃河西來走東
注太行山高壓中土河山壯觀帝王州萬雉城
荒土花雨宣和玉輦去無蹤蕭條長岳搖秋風
東霸城邊見銅狄廣武戰處思英雄天地空荒
形勝老兒女終身不能到北征詩後斷無人騎
驢獨向長安道長安道上新豐徒恠哉却與南
人殊天下久無快意客此客乃爾雄眉鬚牙聊事
非今亦非古牛鬼蛇神萬妖舞千里萬里種奇
語要與嵩華爭步武人間官不直一錢歸來添
得詩一篇堂上稱觴拜親壽膝下讀書忘歲年
要往即往已即已丈夫做事當如此何由相見
共君談寄詩問訊聊復爾我今山中一處子滄
洲滄洲天下士滄洲時翁自號

用歐陽文忠公神清洞韻題羅士鼎未元

暉神清洞圖

穎陽之山翠烟深仙人不見勞我心
藪峯峩峩照空廓白雲欲飛石欲落
此中不着人間客採藥歸來花滿石
想當飛鳥墮層崖數聲清嘯驚
瑤臺緱山蒼蒼今在眼舉手招之殊未來

穎陽之山夜鶴飛仙人不見歸何時
神清之洞有幽客應向洞中煮白石
洞前巖下仙家春幾片落花雜飛溜
高下樓臺縹緲霞綠樹不老青山壽
王生邢子意殊勤恨我隔此浮空塵
安得碧雲千萬疊栖此人間謫墮身

元暉昔作江西客夜飛墨花曉無跡
春風留此二百年幸是山中至人識
百千黃金雙白璧鵝溪白蠶纜數尺
穎陽山高風露寒幾處高堂掛生色

反曾子文靖節詩註

一馬東浮南北分吳宮桃李春正暄
英雄慷慨有餘恨誓江直欲清中原
五山忽拔神仙宅長風吹轉銅駝陌
乾坤千古此哀新琵琶有聲言不得
當時縈損君黛眉意欲恤緯終投機
山能

平地心非石賓王從此是緇衣夜看五柳先生
傳長恨斯人不吾見難將逆裕道春秋此身不
是甘為賤千載東籬一世豪君今躡此清風高
零陵哀憤從誰語心不與契安知陶琴本無聲
亦無趣悠然忘返中情寓一編箋出許多愁奈
何此世非劉裕杜陵正值落花天江右又見李
龜年傷君曲調空遼絕吞聲獨咽山中泉

中秋走筆

忽忽不知秋已中起來望盡江之東天風吹上
一片月萬古有盡明無窮自歌自酌自起舞失
喜墮在明光宮須臾見雲不見月九州之外俱
昏濛我狂絕叫天何聰乾坤如此寧匆匆江流
冥冥上有楓雲邊又見南蜚鴻有酒且醉無酒
可有月不與無月同丈夫意氣見石裂直欲掃
裂雲皆空低徊一笑良自悟事與變會誰其逢
仰看雲月勿復道西風落山人睡覺

塞野縱目

讀書萬卷不經濟瀨境最佳工坐睡手持綠玉

信步行穿破麥花到林際縈回空谷含幽光隱
映深松發清吹北風掠野牧者誰牛影參差霜
草悴一牛閒卧意方安童子何知鞭已至回頭
一望盡天南高下千峯酒洒濃翠近村遠浦合寒
霏落木平林歸暮氣世工善畫貴逼真悠悠真
境誰能契古來文章亦如此真處看來有深味
競為幻語欲幻人敢向人前辨醒醉歸來歸來
勿為留幸有禽聲勝勝予沸

道傍湖中小白蓮花清香可愛野人名曰

玉蓮

浮葉團團缺一角開花皎皎新玉琢洛神湘妃
不足倫太白醉魂寄蕭索過客誰能知妙香春
風奇稟勞陰陽可怜有此白玉質謫在江南苻
菜行古來名花傾城國綠珠樓下沉香北幽然
更用世人看搖蕩平湖水色天

高困四時歌

春風東來汎幽谷出門一笑人間綠新雨池塘
柳帶鶯嫩雲洲渚沙眠犢一蓑一笠東西村天

高地下斯人存歸來醒醉聊隨意翠樹無言花

滿門

陽鳥又炎炎焦九土老農吁嗟氣如縷山中神化

出移時一片閑雲半溪雨誰家金谷有涼臺葵

扇桃笙爭自媒清風却在長松下不須用智不

須才

楊柳磯頭天萬里長笛一聲風不起翠灑千峰

日映烟清涵雙澗霞通水季鶴底事却思歸豈

是鱸魚輕別離晚知尤悔又何益灣頭釣竿君

好持

又

寒鴉萬點落葉赤山風蕭蕭野日白池上梅花

俱有情林間茅舍元無客人言梅花知歲寒花

亦偶然冰雪間向來羣芳今欲盡蘭芽已動春

將還

宿紫玄洞天

閒招雙白鶴駕我吹玉笙去謁紫玄君飛飛入

青冥石古天風吹不剝銀漢殘波崖畔落萬年

碧樹春長花花間弭節聽天樂戲拈北斗柄細

酌瑤露團八面烟霞滄海曙四邊星月碧天寒
珊珊曉珮人間去萬頃飛塵八揮塵徜徉九縣
賣金丹邂逅千秋人未度

羅士從真一酒歌

大槽壑白流醲泉小槽滴紅血啼鶻多誇妙味
觴玳筵詎知毒流留不可湔工調錦瑟思華年薰
風阜民纜五絃法吏簾潔終申韓關雎麟趾意
莫傳岷峩之山來坡仙鞭鸞駕鳳嬉人寰黼黻
王度勲柱天餘事與酒究本源坡仙仙去今幾

年真一秘法空遺編餘頑居士何曾頑乾坤萬

事俱精研冥叅真一忘蹄筌高鳳麥塵霏玉鮮

淵明秫秫穎珠明蠲幽澗汲月分清連水火交濟

陰陽全三投釀令味溫妍甘芳周徹客流涎杜

儀足蹈舞九原揚箴劉頌俱浪言皂隸八仙奴

七賢持澆朽骨應汗顏東風吹綠花盈川冷冷

鴛吭韻清圓——此時一酌神超然至和氣象身

周旋頓挽淳風追古先如此無懷太庭前回視

鏤薄吁可憐若真若一初何難甘為樊法相牽

纏治道貴簡不貴煩為君長歌真一篇

墨梅

咄咄喑喑夥奇哉維摩引臂何方來忽而玄雲
飛出老龍黑黯慘鱗甲乃是皴皴不剝之枯苔
三極兩極鐵作髯十點五點小者如珠大者如
雪疎放初驚失正視似龍非龍徐看畫得蜀
苑吳仙梅梅花江南多兒童亦指點毫髮不相
似枰彈舌閃閃燕山飛雪飛無時千金不買梅
一枝安得鞵材二百五十匹煩君多畫短幅賣

向燕山煤火室

贈陳仲實

春風吹空雨溟溟野田水滿社鼓聲爐香繞几
簾不捲燕子濕衣花草生客來乃有陳子談
星說數口疊疊撐眼直晚旁無人醒我蕭條令
我喜物理人情萬不齊須臾反覆渠得知馬前
之奴忽極品鄙瑀之金俄付誰貧中富賤中貴
金谷樓下花滿園不知仲蔚蓬蒿能勝不侯印
堆床十九枚不知敗絮牛衣那得是子陳子還

是性還是天車如流水馬如龍相逢好為細說
少年行

寄題疎山寺半間禪房

往時汧沂盱母川李花陰陰曾孫船丰茸沙草
取幽徑扣關一禮白雲禪千柱空廊絕人迹蒼
苔亂點蜚紅妍松香四襲翠滴雨江影半侵明
暎烟鶴鶴流聲出岳谷輕飛忽散風鏘然長哦
欲寫不能就每寄清夢時周旋秋風吹空客如
仙名山有記特相傳迺知曇花鮮重現彈指一
瞬五百年經閣香臺雪幾春戲成小果留人天
先師吾鄉白雲寺卓錫尚令題榜鮮半間之半
可着我呼童亟辨辨青行纏身前舊境餘一念定
許隣舍香茅編

別高申伯

江南浩蕩春風滑信意南遊可奇絕神光直射
瘴雲開陸賈先聲到南粵堠子一千三百里南
粵春風却在梅關裏關頭飲罷卓錫泉前迎無
限佳山水最好望韶亭上看三十六峯太古之

色拂半天恍若后夔騎鳳從天來帶得虞廷九
奏韶音回此時彷彿聞之應思虞舜不忍去唯
有山風海月相追陪舜峯之下韶陽廟伎心餒
魂何足弔盧能遠矣莫問曹溪禪洎陽峽裏不
必聽妖猿直下廣州城去城中中公卿多且賢醫官須
庠亦是官善事使長官無難此心不與物俱轉
三年偃息人已安著就新書不妨似陸賈若論
功名正恐陸賈出君下林間荔子海中魚瓦甌
名醞日日沽千歲之棗安得長相倚人來時寄

廣州書

送皮德昭之官武林

羨子才如渥注馬萬騎嘶風俱在下霜蹄如電
不足飛天上良星愁控鞞如何不歸十二閑遠
放江南沙草間一朝駟入東吳去去看錦繡舊
江山故宮土花無點碧流杯流水誰移得萬古
乾坤萬古空英雄無淚可輕滴回首一百六十
年閑將議論當籌邊諸公何恃恃江水江水常
客容偷渡舡璧月無情瓊樹老遺恨滿腔不能道

留連一曲後庭花待得楊堅何草草海門自闕
潮自來禮華樂葉悞寒恢友東風漸搖堤畔柳
雪欲挹湖邊梅平生友作經行處羨子東行問
征路一官何用計崇卑好聽吳儂詫新句嗟我
與子如有緣相逢相別不期然龍杖堪騎定相
訪馬塍花下酒如川

郝思温大字歌

號東山雪菴高參弟

東山手提雪菴筆筆中出此萬鈞力重如岱岳
鎮坤維奇如古鼎躍泗側點如滄海之碣石直
如參天之古柏曲如老龍恣盤拏橫如方城立
鐵壁快如大澤斬蛇劍妖夔幻魑俱辟走詩易巨靈
引指太華擘三千獅子座舉臂可移得偶然揮
毫鋒口世間世間壯士不能擲瘞鶴銘摩崖碑後來者
誰誰繼之我嘗見當是龍溪之字大如箕五百年間
無此奇雪菴老東山子優鉢曇花重現世崑崙
以為筆東溟以為硯青天以為紙為我寫太平
兩大字持獻天皇九九八十一萬歲我歌尔字
我老矣

題江南烟雨騎驢圖

風發發雨瀟瀟渡舡未度山相招騎驢不知前路遙路遙抵何處南山之南且穩住莫向長安街上去京尹今無韓吏部

送朱縣尉之官贛城

秋風吹舡上重灘前茅未到聲先傳官能捕賊如捕鼠直搗狡穴不一全上功得賞來此郡威懼獷悍皆服田城南城北雨新足香稻滿野歌盈川衙空吏瘠弓刀廢尋常舊業開芸編鬱旅臺高俯流水崆峒山碧迎寒烟張梨如孟柿勝蜜美酒可飲不置直錢茶山信詩派有續者隨時唱和多新篇聖朝無煩上封事第一莫學吳門仙方今儒臣易進用九遷何用終三年

菊歌

山水之村沙路乾清風日美情閑閑松陵公子好事者千株異菊培庭間素娥天孫娛清夜從似羣山彩鸞跨盡收四天五色雲巧粧絕艷闢新雅紅玉琢成深淺紅赤金抽瓣碎金瓏瓏推冰

妙手簇水蘊間似以孔雀堆紫茸洛陽牡丹枉嘉家
譜西園芍藥何足數造化工多良獨難逢花不
賞將何歡君當歌我當舞花亦欣欣欲相語不須
定限一日三百杯不須腰鼓百面如春雷但欲
願樽中長不竭諸公長在花長開世換花花換
世移根改色年年異一番花樣一番奇看到伐
毛洗髓幾番時

送程學士

洞庭之水銀河通手提白筆行清風歸來綠野

按舊事青山低昂馬影中時從賓客娛泉石不
省麒麟誰第一中使傳宣下九天關河秋光照
飛駟彤庭引見宮雲開問卿安在今肯來德容
近暎天顏喜百辟在列俱首回皇元經制宰九
有曾待侍先皇討論久登庸耆俊徵舊聞宗社靈
長自天祐中書堂中庶務清四方萬姓歌升平
應無封事可商畧定見杜房藏功能我從諸生
立門下別公敢把深衷寫子房未着未足高伊
呂原非退身者力竭忠盡嘉答主知深眷若此東

南誰當續王褒石介頌百千萬萬祀無窮期

魯港行

岷峨西來天塹長大波如山險莫當黃蘆未花
秋黍熟欲吊古昔愁滄茫十六年間老師相格
天勲業伊周上儀真使客且羈臣襄陽將軍儘
降將西園價積鄮塢金伴食光禹趨雄歆法宮
穆清坐高拱赤鳥雍容衆口瘖葛嶺祥烟籠甲
第吳娃理曲爭新媚珊瑚枝邊酒影春水晶簾
外花香醉主君千年萬年歡月光如水邊風寒
虛傳奇士畫三策臨危諱病醫良難古來何限
韓擒虎天馬如神解飛渡出師拜表真孔明不
計匆匆九節度半間堂前香掃塗閣中諸客今
何如前時晉公魏公語今日驩兜苗鯨書殘月
無情上陽曉木錦破屋闔山道潮落潮生人不
歸陌上花開幾番好

采石

樊公推亡不遺力虞公中興偶成績百年俯仰
感慨多事不天假終無益君不見李太白高才

絕世何不直但令供奉行醉墨倉卒纔為冰玉
客萬里漂流夜郎謫人生有知當自識通飛絮浮
雲本無得青山丘墓何足惜向來金鸞殿日落
狐鳴秋草碧

車碌碌

車碌碌車上行人雪中宿三更驅驢聲陸續頓
撼肝腸眩心目霜稜飛刀風激鏃荒郵無烟空抱
抱腹索駝不收馬成簇暗裏捫心避羣牧望斷
海光上東旭木末天低星煜煜

黃河道

黃河道漠漠黃沙覆枯草依然南北兩空堤堤
上畊人長桑棗人心百計當若為古來河水今
南移平源原縣前好沽酒車夫鞭驢莫回首

龍灣阻風次日舟人必行解舟風回喜賦

東風吹南舟行西風留舡住蓬鬆黃頭郎作底使
風去蘆蓬兩扇當江開船船相趁風初回龍淵
烟氣隔洲失宣化山光隨棹來潮頭又上推船
走一時便過新河口兩人勝負蓬底棋船行遲

速人不知黃頭郎穩扶柁信風宿大江肉色花
枝紅采石酒波春水足

長風沙

長風沙酒旗斜風沙有情留郎住勸郎莫向前
江去前江去轉風波牛渚圻邊雖過得皇天蕩
裏奈郎何郎船但係門前柳唱曲好歌勸郎酒
不是平生親隣郎却願郎長久郎今必去當何
為教郎解有思人時

山碓碓

山碓碓石碓碓一灘翻下一灘惡青衫黃帽扶
招竿銛鋒如戟波心攢打漿失手能盪過扶竿
失眠船隨破三山城中女如花高樓酒賤多魚
鰕荔枝林中尋屋住上灘難轉莫歸去

冲虛宮景真堂

怡山東麓堂靜深欲尋真境真難尋華鐘時發

貞明韻王審時秀木迤懸天監陰王伯梁天天風

颺颺吹余髮戲綰幽藤作條脫騎鳳簫驚烏石
雲降龍劍照古山月丹爐藥竈長周旋六時采

擷三芝鮮蓬萊書札失幽約幾度歸潮深碧烟

了娘团

了娘团西禪寺裏粥鼓鳴殿前殿後荔密密葉
落當掃草又生衣裙潔峭茗鋤輕戲將苔石閑
敲鏗廊陰同伴咲相謔話字難通知有惜紺園
花香日易晚行童遲打昏鐘聲

門揭昏鐘下鎖

古秋夜長晴雨二首

壁帶懸素琴衝牙起瑤林月寒文甃百虫語簾
外桂花香雪深繡茵暗輟雙龍枕紋笥密液團
鳳錦西隣少婦咲齊眉寶帳芙蓉携醉歸獨自
佳期長是誤璿霜欲下雁驚飛

又

雲浪流碧虛雨花散前除西風紅葉石欄曲盡
併寒聲歸綺疏回文績罷雙蛾斂城上啼烏稀
漏點東家嬌小乍迎郎沉水銀篝殘晚粧燈裏
鏡臺閑自照紅顏相似夜偏長

題鴻盧十志圖

崖欲脫峯欲飛水洒洒烟熹熹石間老樹不老

色翳蘿懸陰石入黑調琴未了趣觀前泉十處奇
踪日相迫紫虛萬里丹霞開直上倒景之高臺
佳雲好花滿嵩少仙友為我今歸來莫嫌登山
脚曾踏東都路姚崇宋璟可人故不然豈肯容
易出山去

撫州擬峴臺

擬峴臺山如盃樹如苔臺前東風花亂開流雲
藏雨花間來花根得雨新綠催花枝隨雨成香
泥沉神工鞭策不停手七尺容形爭真好醜桐林嶺
頭木香酒百錢一盞當酤否

雪中度崇仁望仙峯

游樂之溪清可泐天風剌剌山盤盤愈行愈深
愈幽遠疑有仙者棲神丹樛木怪藤鳥鳴苔綠
潭青壁龍嬉蟠徘徊賞愛不能已步步駐目搖
荒寒寒雲平凝帟帷妥急霰亂下珠璣完兩崖
蒼蒼散花雪板橋石路浮雲乾交郊迎密撲迷欲
眩怯下疑高行自難凭澗茅房所居雅叩門烟
火相依安登亭夜氣造寧極嬰冒曉凍追殊觀

忍觸瓏璫縱健踏喜聆環朗藏鳴湍垂筵不動
偃衫竹懸柱偶脫爭崑巒前源未窮取危磴直
上百折陵嶺屹新瓜痕痕過飢虎高翰葉葉遊
飛鷲依然獨立倚霄漢波濤翻海鎔銀寬雙瞳
四徹洞萬境肯與塵界循憂端蹇余看雪知幾
處何如此時望仙峯上看仙之人今來不來浩
浩元氣與我同朝飡

題五馬獵歸圖

秋野肅肅秋草萋萋天空雁度呼鷹時一馬前
行四馬隨前者回顧相指揮最後兩人俱下馬
一人拱手俯聽之一人挈麇毛色肥角弓在後
箭在房人馬意態何遲遲知從底處射獵歸莫
是營州少年并州兒閑中貌此知為誰筆力精
徑妙莫窺我疑此畫有似汲塚古書出蠹簡殘
逸有缺遺不須完足自可寶古人日遠何由追
嗚呼古人日遠何由追

黃氏南園歌

南園花南園花白於雪紅於霞深處定有仙人

家花陰亂駐七香車山香儘舞花不老花艷直
上搖金鴉瓊膏一吸香入骨醉呵金鴉不令斜
南園竹南園竹寒於冰綠於玉割得何天土一
丘炎官雖炎誰敢酷天山太古雪皎皎蓬萊絕
境風蕭蕭白鶴翻空啼一聲下占清陰對棋局
君不見古南園錦茵紅皺琵琶弦珊瑚碧對沉
水烟嘉賓列坐鼓咽咽白石詩句吟成編放翁
記文筆如椽挾策博塞若為賢撫掌一笑晚青
天不如花竹之間汲清泉且取粟粒香芽煎

題五公寺壁畫古柏

坡來陀

堆琢琢

挺雙柏

榦牙

直上不可計尋尺元氣

所融結通身是骨力醜怪形狀古黯色作柱擎
天等閑事世間萬木俱難敵柏根水流滔滔鼓
舞風雷吞吐日月使年惟有雙柏牢萬牛回首
參天高看得孔明事業如鴻毛

由寶塘舟行至臨汝

盧鴻十志看不足愛雪貪行雪相逐晴風吹散
北山寒三十六陂水初綠黃洲拏得罩蓬舡松

筠縈遶烟成淵波聲疊下灘聲惡鮑照却歌行
路難

山中樂效歐陽公

東方風回春山道趁暖行歌霽華杲溪源露歇
逢藥苗石徑烟輕掇芝草紅映洒地燕將乳綠
樹添陰鶯林老入客魚蝦朝赴饌頃筐笋蕨夕
供芼山中之樂誰得知我獨知之來何為水竹

沙頭閒檢校村村簫鼓太平時

堤柳綠搖新罨畫石榴紅摺嬌裙杖蓮蕩風閑

翡翠欹菱塘雨定鴛鴦下溪女浣紗朝出村行
官飲水暮歸舍瓦瓶手挈隔年醅石不坐圍明
月夜山中之樂誰得知我獨知之來何為空裏

烏蟾飛影過桑麻課效勝書幃

空山一夜生新雨涼起賞心千萬緒扇團自守
不依人桐葉知幾尋脫路隔隴咲談雜樵牧臨
流賓從惟鷗鷺旋庖蘆菹美勝酥精浙新秧香
滿戶山中之樂誰得知我獨知之來何為青林
紅樹人烟濕護得金橙密處垂

千花重作陽春節野杏山桃隨處發莫思前度
看花誰已見新墳芳草歇穆山山下數灣月華
山山崖千丈雪幽人獨坐雪月中要與梅花成
四絕山中之樂誰得知我獨知之來何為除却
山家新臘醞世間無事可相宜

龍霧洲

時大王有南行者

龍霧洲水油油中有驛馳南越州庾嶺瘴天雲
不收直到海邊天盡頭天盡頭海茫茫金珠璀
粲平斗量鴻毛性命此難忘攬車何事招巫陽
不如回鴈峯前鴈鴈門舊侶年年見

陵山館辭

陵山兮蒼蒼仙之人兮何鄉遭余陟兮巘嵯援
碧藹兮不迴以遠草鬚鬚兮華續續頤下方兮
凝翠氛幽館兮倚撫待來不來兮杳空碧七鶴
駕兮遏追渺余懷兮悻側燁三秀兮潔餐羗靜
貯兮陵山挹太清兮撫元極聊逍遙兮永終日

甲戌十一月二十七日冒雪游昆明湖宿永壽齋中
移燈校畢此卷 藏園老人記

知非堂稿卷之四終

知非堂稿卷之五

臨川撫樂何

中太虛著

七言律詩

與胡山村

九萬風高力控搏偶然倦翼墮塵寰閑聞說到
乾坤外知己誰當伯仲間何地可堪容一橘亂
雲相隔失三山方來亦有無窮在未必先生可
得閑

又

平生再拜一何難
妨得陪從杖屨歡
大節熟聞

諸父語高風還許後生看
茶邊道義松風晝酒
外興亡竹雨寒別去幾時能聽法
秋深桂馥重
凭欄

送李仲章遠遊

風笛無聲笑指空
出門誰碍更求通
一帆千里
客何遠王氣雄
圖江自東赤壁驚
烏飛夜月衡
陽看雁落秋風
人間興廢不須問
詩在江潭柳
影中

秋懷

萬壑東歸晝夜流
人間自是本無愁
不悲白骨
塌秋井尚恨華屋歸
山丘此事直須一杯酒
只
今何用萬里侯
明朝且可尋黃犢
荷鍾徑往西

山秋

又

采采蘋花可佩香
依依橘柚未全黃
人行塞北
非征戍鴈過江南
有稻梁
短笛疎鐘來別浦
亂
鴉飛鷺共斜陽
西風擾擾知何似
看見黃花滿
地霜

歲菊

黃玉為裝好自修
天寒身被翠雲裘
直於歲暮標明節
那向人間立晚秋
湘澤忠臣終戀楚
柴桑處士不歸劉
謾將二老間題品
寒照疎籬一片愁

除夜

身外須知總是空
書生何處覓窮通
自緣一歲今宵盡
獨坐殘更數刻中
學有淺深心勿畫
詩無今古句難工
不知春到池塘未
一夜簷間花信風

閱穆陵丙辰御賜進士詩

後代忠臣擢丙辰
穆陵魂斷北征人
長江浩浩傾吳越
九野荒荒嘯鬼神
鷓鴣血縱乾難返
蜀烏頭未改竟留秦
琵琶絕域千年恨
青塚黃雲不識春

大水

漠漠陰寒寂寂秋
濁波如屋蔽空浮
聚仄莫試媧皇手
嚼石虛存精衛謀
逝矣棟梁歸大壑
纍然盆盎塞中流
鷓鴣聲苦行人斷
且向江南具

小舟

雨中

雨滿寒空風滿林閉門十日自悲吟不知補袞
從誰語尚許傾陽見寸心書史軒窗雲氣潤蕙
蘭蹊徑蘚花深好風為我吹晴未欲釣清溪坐

柳陰

又

炎夏如秋氣已遷老天奇變亦多端山橫北牖
陰雲合人對南山暮雨寒江海窮居無米易古
今適意得詩難出花落盡幽禽語坐看千林擁

翠瀾

八月二十八日

黃竹哀歌世偶傳佳期應待後千年曲江宮外
看蒲柳凝碧池邊聽管絃古往今來人化鶴天
長地久帝為鵑蓬萊水淺應聞似徐福歸舟已
失仙

夜立

冥冥無復辨秋毫天映諸峯湧翠濤萬里明河
流眼去三更獨鴈倚風高南陵隣締綌秋難貸隔

舍歡呼夜更豪只有殷勤木上坐共聽枯葉響
蕭騷

臨川道中

路隨一水曳長烟秋入重雲擁亂山過眼向來
華屋處寸心不挽盛時還紛紛世故行人亂漠
漠林飛霏白鷺閑忽遇長空飛驟雨春泉一派落
松間

穆山書事

保虫三百有六十其長相殘更斷魂細與漁樵
商世事獨尋鐘梵到松根蟬鳴晚日濃時樹鴉
落秋烟淡處村難覓飛車遊海外直隨藜杖老
乾坤

晚步

歡適常看晚好景稠悲吟偏覺滿空愁碧雲忽作
紅霞合翠靄俄成紫氣浮笳紫山城鴉翅亂人
歸江路馬聲道老天遺我多奇變着在江南澤
國秋

曉晴

雨意將闌天自休，細穿詰曲聽鈞軸。千山欲曙
微霞吐，萬木含春濕。翠浮孤塔遠，知城尚近空。
江猶似古來流，遶汀花落白於雪。掠地風來嚴
似秋。

孺子亭

先生不是早知幾機，所恨諸賢喜有為。共立名稱
空自異，竟成朋黨最堪悲。當時僅許陳蕃識，此
意只應梅福知。亦見祠邊丞相宅，滿牆幽草綠
參差。

登滕王閣

洪崖山前樹歷歷，石頭渡上烟漠漠。龍分片雨
過秋水，鷗倚西風窺斷城。吏部文章餘簡冊，前
王名姓老圖經。登臨已費三十載，草草忽令詩
句成。

次韻彭希爽吳景傳約遊穆山

穆山祇在白雲隈，摩石為門任去來。兩澗寒聲
通法席，數峯秋影上香臺。林藏僧梵含風遠，嶺
隔山樵戴月回。此地能令高興別，中秋又近桂

方開

興化軍冲虛宮贈陳虛一尊師

寂寂^{兀兀}山林棲遯身洞天深處振行塵客如种放

豈樵者師似^彌明非世人丹木^水汲餘山月淡異

書評就海花新他時說着相逢事皇慶行天第

二春

舟中

踈立去帆波渺渺深籠寒靄樹稀稀象牙潭上
風初急龍霧洲前雪亂飛山掩孤鐘分響到沙

盤叢鴈逐行歸彫房熾炭行時冷河船癡魚擁
斷磯

黃氏石闌

此地何年石作闌石稜不共蘚花刊四時勝日
圍芳草一塢春風護牡丹洛社賞心遺記在善
和先志舊書完明年一鷄清秋上文石班高萬
日看

諭仲本詩集

鮫室成綃別是機向人定價每疑非寒通海底

珊瑚樹秋漾天邊寶劍輝虎瑟含風蒼桐同遠鸞
笙戴月碧雲稀幾回剪盡西窗燭又聽山鐘數
杵飛

次雪溪上人秋興韻

靈峯寺裏講時茶啜處銅鑪一篆嘉揮麈微言
穿溟滓題楹詩閑韻趁車斜風回過鴈松移影烟
隱寒鐘桂上重花祇有新吟猶習氣自餘諸事髮
今華

答清江皮季賢見寄

古人千里夢相求咫尺翻增隔絕愁雲護牋題
紅處墨雨深樹色綠邊樓文章正法追前哲句
律新功卻俗流為問幾時談到劇壽楓南畔菊
花秋

送族弟元迪

老去逢人怯送行弟兄分手若為情明時難使
高才隱為客當令遠業成桂嶺寒烟通郢樹逍
遙夜雨入彭城明朝便自堪回首不待秋風過
鴈聲

寄詹正之

幾驛相望兩鬢華書題不寄鴈行斜但令天下
稱知己不為江南憶故家樂毅臺空烟在樹魯
連城圯雨殘花燕齊勝事多收拾定有新詩處
處嘉

觀除日有感寄皮德昭

偶傳除日到幽牕坐對撐梨梨事滿腔知是乘桴
欲浮海如何陋巷問為邦一庭月冷驚秋照三
寺鐘聲接遠撞三寺南禪樟鎮聽罷無眠閑憶

得灰心底用要心降

贈直心苦口道人

涼氣將深暑氣收芳華冷落思悠悠道人心口
如神驗我輩窮通與道侔鶴為乘軒能致妬馬
因立仗却招尤世間只有閒鷗鷺野水如天得
自由

無題

鴉尋流水遶村迷鴈失寒菰落渚遲老杜舊傳
餐玉法史馬遷新睹采薇詩譚空漸入皆空境觀

物寧非閑物時閑憶年年溪上路梅花開遍向
南枝

舟中次涂雲章韻

久矣坐忘如子微元非強學介之推良工未肯
棄樗散新學何為迎蹇師山路雪深聯轡穩江
流風淡落帆遲此時此景周旋好長遣閒中費
夢思

題崔伯明詩卷

海底珊瑚不易收俄然在手醒雙眸媧皇煉石
天無罍織女機絲月共秋一草作花生自別三
年刻楮巧堪羞客窗燈影誰為伴雨響空欄徹
夜流

壽黃希尹

壽星移次東禪近甘雨生涼晚梵宜心地平平
真活佛書薌郁郁有佳兒春濃寶樹開花處日
麗丹砂擲米時知是文吳俱不老三神山碧酒
盈卮

送郭竹堂赴南臺

聖代人英第一流
霜臺分省總優游
我知陳阮誰爭長
人說臯夔可與侔
願作良臣安用激
親逢治世更須憂
六朝形勢江山在
且與諸公共唱醉

題皮季武所抄吳草廬周栖梧孫少初皮

季賢四十年前閣
皂碧崖聯句後

皂嶺清遊記昔年
彌時傑句儘難聯
公如樂正趨諸友
我似延年咏五賢
自古高才須蓋代
無前偉績定由天
世間何限經綸手
獨立蒼茫意不傳

荅諭仲本

閑身未必受人鞭
為要携書教阿宜
素學早從前哲究
此心偏與古人知
由然柳下聊同俗
老矣徐娘已背時
只道莫雲無用處
彩霞五色照天奇

荅胡器之

記和車斜四韻詩
誰期許別此多時
但逢來客長相問
每何無入思心在
不知身各老語

深偏許策同枝空雲聚散悠悠者底用閑愁掛
一絲

贈丁教諭

夫容仙客果能仙百事精通不等閒未入漢庭
陳奏牘先從周制作醫官緩尋芳草多諳藥咲
指遙岑便說山已得一吾人印可更求仗語與
誰看

題陳達觀浪吟集

語淺遙知人意深仰難決皆俯難臨緱山駕鶴
月千頃巴峽啼猿秋一襟斗極光寒天識劔閭
城境絕客成琴馬蹄飛電長安近直上鼇峯一
萬尋

袁氏雙頭蓮

芙蓉菡萏冠詩騷一萼雙花少所遭周曰夷齊
清並峙堯天巢許潔同高石丁可是神仙侶楚
閨終為兒女遭曹卧雪門庭宜著此露香霞艷映
蘭皋

送達海提領

軍山山下舊藍州人物科場第一流千尺棟梁
宜九室一官朱墨費三秋甘泉侍從須楊子貞
觀封章欠馬周從此金門多應制新詩能寄故
人不

次吳草廬花晨韻

我知居士病全安難敵談鋒舌本乾花外偶迎
風日美世間已作畫圖看江行唱和今猶盛東
壁追陪意更謹吟弄迢迢歸路好廓然天宇似
增寬

再用韻荅周昂霄

布鞵青鞋試步安徐披山徑野花乾可欣久別
能相聚便有新詩得細看七尺形容終解老一
時真契且交謹百年尚遠身長健若比朝菌歲
月寬

送詹伯昌曹州迎親

步往迎親此役宜五千里外快心期近曾讀律
知名例早事通經識孝慈鉅野天清緬帙穩長
江風淡布帆遲企子相待封溪上楓葉蘆花秋

盡時

由清江赤城觀至寶塔寺莫歸樟鎮

自咲野人多野思並村隨處意閒閒赤城觀裏
折丹桂寶塔寺前迎晚山隔水歸樵分路散衝
嵐飛鳥認林還祇言十里街頭近不計黃昏便
掩關

酬揭曼碩贈別

來日君還在我前歸時我獨占君先冰寒斷道
鳴駝外雪暗空村落鴈邊畫省諸公扶日月南
州派客記山川松聲多處黃精好舉手青霞始
學仙

任城南

自變清遊自愴神五千里外獨歸身馬嘶平野
呼鷹吏犬吠寒沙射鴈人直北關山初合凍近
南氣候漸知春蒼苔白石梅花路長憶驅車魯
水濱

魯橋發舟喜賦

幾驛荒程不候雞坐車和夢向南馳纔辭薛國

沿清泗已指彭城望下邳榆柳無情隨日愛風
霜有力待人知二王臺下如織誰薦香蘋酌

一卮

沛縣上漢王
項王二臺

秋夜獨立有懷

秋老谿貧獨夜時
邛枝移徧響虫飛
山城鼓疊月生海
林屋燈寒風動扉
帶雪關河人別久
隔天書札鴈來稀
忘情每有難忘者
黃葉一庭霜滿衣

偶成

初啼山鳥篆香斜
荏苒明時翫歲華
三日雨深春在水
一林烟濕暖花生
尋盟舊卷鈎簾展
開禁新醕隔竹餘
却憶去年歸漸近
半蓬殘雪上寒沙

壬子元夕

山市人歸啼倦鴉
常年歌吹稍喧譁
夜風十里滅燈影
春雪一林寒杏花
凍淨漸深緘蟄戶
新灘微奪奪鷗沙
西林樵客同爐炭
閑試香芳品薜茶

陳虛一尊師山房雨後

一片閒心倚石壇
千峯向背碧當軒
海門雨氣懸虹影
洞府香風架鶴言
絕艷槿花深映戶
生紅荔子密圍村
早知千里移家近
久辨黃岡十畝園

黃岡多荔枝

寄鄉信

謠俗倉荒越下州
西風孤旅倦悠悠
酒壚女靜花落樹
魚市人歸朝滿溝
鄉夢頻經關上月
書題分寄海邊秋
已期待臘西村畔
春在梅花雪

映洲

種菊久客遂爾蕪
蔓扶植成詩

蕪菊幽灣種種殊
偶然久客遂秋蕪
旋栽竹架扶枝密
頻汲泉花救本枯
曉露漸寒蛩尚綻
否夜風微動覺香無
幾多名品人應識
尚有良工入畫圖

得家信

俗尚難公不取諧
木石深處玩蒼苔
身拋世累終相着
心怯鄉書重一開
極目雲天鳴陣黑
滿

林風雨鴈聲來平生最有弄花癖何處溪頭發
早梅

遇揭曼碩有贈

時特賜其父筭坡貞文先

生奉敕立碑

十年相隔忽相見猶記書題狎故人京闕詩傳
多應制里門碑建獨榮親梅花滿映林飛雪柳
眼初迎輦路春知是高情難去住此身誰是自
由身

新塗畝步作

松筠色潤翠成圍鶯鴨聲多水漸肥隔縣販人
爭野路迎年姹女試新衣暖烟黃柳知春到殘
雪青山伴客歸茅屋酒旗隨處有悠悠世事儘
相違

黃籙醮

道真法力貫穹圻炯炯靈襟咸應機萬里東風
人獨立一天香霧鶴雙飛瑤壇封事披雲徹碧
海遊仙戴月歸格是夙寒新醮罷夜來花雨打
牕扉

元日

聖主飛龍肇紀元
野人相賀板扉前
不知顏色老昨日
共詫時光滂舊年
井口杏花春寒食雨
墻匡柳蕊暖肥烟
長溝緩繞風濳綠
林下烏犍漸受鞭

讀荆公集二首

古來遇合幾君臣
無奈生為叔世身
大志本難酬遠業
諸公同是忌南人
風高碧漢孤翻翻
波蕩滄溟獨縱鱗
每恨孔明叅佐劣
費禕蔣琬儘

難倫

又

持方試藥詭能醫
失着推評却付誰
東閣招筵賓履散
彤庭撫問使車馳
蔣山舊宅偕堪記
白下新詩柳最知
宇宙茫茫經世事
周官今又廢多時

寄智玉成

僧來能說近平安
密抱陳編獨細看
每恨故人疎覲易
無情估客寄聲難
四窗人寂百虫語
千里夢回新鴈寒
心事書題俱草草
西山幾疊碧

雲端

閭皂山福地

兩崖松竹綠蕭蕭時聽岩陰響野樵鶴信早歸
題錄客蜂房分綴鍊丹寮晉時月在塗源淺粵
國雲通勾漏遙仙馭肯忘僑鼎地風笙清夜落
璿霄

題墨梅

江北江南春又動臘前臘後梅仍花三點五點
雪孕魄一梢兩梢鉄擘楹枯根健迸石色潤半
身倒偃溪流斜逃禪老人招不得樹穴探環今
是邪

題石橋

未許興公知此山應真飛錫於其間陰凝黑霓
聲音人落半跨夜凍銀河僵一灣偃月光通空翠
眩回風聲靜雨聲花閑山中仙人渺何許去鶴
三招殊未還

乙丑元旦

村北村南咲語通銅鑪香燼蠟燈融寒雞四起

野霜縞清磬一聲天海紅
老大情懷無壯士
太平田里有東風
讀經且遜河汾手
只擬新桃亦未工

後正月二十六日有喜

縱橫亂帙翳山家
且聽雙松啼乳鴉
三日暖風生野色
一川酥雨入桃花
木多山市無人問
思重綸音有客誇
贏得乘閒隨喜去
溶溶春水遶平沙

鄒悅道哀詞

八牕九室失般倅
善斲無人轉可悲
曾就功名遭訖錄
竟將文字老明時
門生定展王通學
舊友誰成郭泰碑
無限哀悰歌不徹
落花如雨暮雲低

自羅源泂溪尋梅得之喜賦

羅源渡畔野樵稀
流水油油引步遲
曲塢深烟將淡處
前峯薄雪欲消時
槎摧鉄幹綠莓點
梢拔青條丹萼欹
說影淡香花定歇
迎寒袖手倚疎籬

會吳學士于山水村

仙家山水鬱葱邊今日重來翰苑僊五百里間
星象動一千年外畫圖傳晦菴畫於寒泉會粹
聚星亭書還就敬簡賡酬句倍鮮不待職方添記註門
生語錄已成編

黃氏鹿外亭

金華仙子與神謀別有乾坤作勝遊天外客來
談太極洞中日永對紋楸花香四合島霞曉笙
響一飛山月秋誰道蓬萊三萬里一壺元只在

街頭

壽吳學士草廬八十

四朝加禮聘車勤又際龍飛沐異恩聖主執經
常賜坐大官承學盡趨門格天勲業身徐退平
地神仙道愈尊春有八千纜八十桃花紅嫩酒
盈樽

題金石錄

即雲萍錄

胸中舒卷任閒情塵芥何由置重輕虞子自知
書可著伯夷非待中為名碧雲一夕度歸鴈紅

雨千林啼晚鷺聚散偶然無足計世間甲子又
新晴 三月甲子

贈墨者侯生

遠心每計百年寬壯事俄歸兩鬢班周鳳不鳴
詩已廢魯麟無迹史難刪寒陰十日雨花急長
嘯一聲雲影還多謝侯生墨如漆草堂無字可
編編

庚午上元

是年江西大飢

九野淒涼魂不招又知今昔是何宵叢祠月黑
寒鷓聒山市烟深臘雪消遺事誰編傳舊俗夢
華有記錄前朝一枝柏燭熒然處香譜茶經共
寂寥

楓陂即事

幾杯殘雪寄遙岑一舸輕嵐並曲潯晴氣貫山
虹碧動暘光著柳粉黃深衣裳眩路通隣里鼓
笛粘燈聒社林左顧右瞻忘費日老人態度少
年心

黃養浩得小石山有詩自和索余同賦

壺中未識九華奇，先讀坡公唱和詩。天竺分峯
應佛送仇池，通穴許仙窺。拾時山靜雲相伴，歸
處家遙月共隨。書文軒窗多勝賞，蕙蘭蹊徑換
幽規。花邊汲井泉，頻滌竹下安盆。几隱搯百匝，
端相無着喜。四隣驚訝頗成疑，家僮音童習懶愁添
約野客，生貪黠。欲携已廢朝眠，迎露立更疎。晚
講對霞，敬人言每事皆為累。我謂高情未易知，
儘見蓬萊幾清淺。菖蒲遮莫待花遲。

知非堂稿卷之五終

十一月廿七日校定於頤和園